



Sámi allaskuvla
Sámi University College

OAHPPOPLÁNA

OKT 307

DIEÐALAŠ BARGU JA DUTKANMETODAT

10 oahppočuoggá

Dutkan- ja oahppostivra dohkkehan 10.05.2016, áššis 45/16. Rievdadusat dohkkehuvvon goahtejodiheaddji mearrádusnotáhta bokte 02.05.18 (Public áššenr. 18/00215) ja 12.07.22 (Public áššenr. 20/00061-8).

1. OAHPPOOVTTADAGA NAMMA

Sámegillii: Dieđalaš bargu ja dutkanmetodat

Dárogillii: Vitenskapelig arbeid og forskningsmetoder

Eaŋgalsgillii: Research methods and practices

2. OPPALAŠ DIEĐUT OAHPU BIRRA

OAHPPOVTTADAGA KODA: OKT 307

VIIDODAT: 10 oahppočuoggá

OAHPU LÁGIDEAPMI: Oahpahus sáhtá lágiduvvot sihke luohkkálatnja- ja neahttaoahpahussan.

3. OAHPPOPROGRÁMMA GULLEVAŠVUOHTA

Gursa gullá Sámegeiela ja sámi girjjálašvuoda masterprográmma oktasaš geatnegahtton gurssaide.

4. SISABEASSANGÁIBÁDUSAT

Ohccis galga leat sámegiela ja sámi girjjálašvuoda bachelorgráda dahje vástideaddji oahppu. Gáibiduvvo, ahte ohccis leat 90 oahppočuoggá čiekŋudanoahput sámegielas eatnigiellan. Bachelorgráda gaskamearálaš árvosátni galgá leat C dahje buoret. Studeanttain, geain lea cand.mag.-dutkkus, galgá leat sámegielas gaskamearálaš árvosátnin 2,7 dahje buoret.

5. OAHPAHUSGIELLA

Davvisámegiella lea váldooahpahusgiellan. Eará sámegielat ja suoma-, ruota-, dáro- ja eaŋgalsgiella sáhttet adnojuvvot omd. guosselogaldallamiin.

6. SISDOALLU

Gursa láide dieđateorijai ja studeanttat ožžot vuodđoáddejumi dutkama iešvuodain, ulbmiliin ja bargovugiin. Studeanttat oahpásmuvvet iešguđetlágan diehtovuogádagaide. Dáid lassin guorahallojuvvojit iešguđet dieđasurggiid filosofalaš ja metodologalaš vuolggasajit – earet eará árbevirolaš diehtovuogádagaid vuolggasajit.

Gurssa geavatlaš ulbmin lea eandalii doarjut studeantta masterbarggu ráhkadeamis. Studeanta ávžžuhuvvo válljet dán gurssa geatnegahtton bargguide dakkár temáid ja fáttáid, mat laktásit su iežas masterbargui.

7. OAHPPANJOKSOSAT

Oahpu maŋŋá studeanta lea olahan dáid oahppanjoksosiid:

Máhttu ja diehtu:

Studeanta

- dovdá humanisttalaš ja servodatdiehtagiid dieđateoriijaid guovddáš vuolggasajiid ja duogážiid ja ádde, mat leat su fágasuorggi masterbargui heivvolaččat
- ádde guovddáš dutkanmetodaid vuolggasajiid ja daid teorehtalaš ráddjehusaid
- dovdá kvalitatiivvalaš ja kvantitatiivvalaš metodaid erohusaid
- dovdá árbevirolaš dieđu dutkama vuolggasajiid ja dutkanvugiid

Gálggat:

Studeanta

- máhtá hábmet heivvolaš dutkančuolmma iežas barggu várás
- máhtá hábmet dieđalaš hypotesaid ja iskkadit daid
- máhtá geavahit dieđalaš metodaid iežas čállošis
- máhtá árvvoštallat ja ságastallat teoriijaid ráddjehusain kritihkalaččat
- máhtá árvvoštallat dutkamuššii guoski ehtalaš gažaldagaid ja dutki posišuvnna

Oppalaš gelbbolašvuohta:

Studeanta

- máhtá hábmet metodalaččat ja teorehtalaččat ákkastallon čálloša
- máhtá árvvoštallat iežas ja earáid oainnuid kritihkalaččat dieđateorehtalaš ja metodalaš vuolggasajiin

8. OAHPAHAN- JA OAHPPANVUOGIT

Logaldallamat, ruovttubarggut, joavkobarggut ja seminárat. Seminárain studeanttat galget ovdanbuktit iežaset bargguit ja kommenteret mielstudeanttaid ovdanbuktimiid.

9. GÁIBÁDUSAT BEASSAT EKSÁMENII

Gurssa áigge ordnejuvvojit guokte geatnegahtton seminára. Vuosttas semináras välljejuvvo čálloša fáddá. Gurssa áigge studeanta čálligoahá čálloša iežas välljen fáttás ja dan vuodul dollojuvvo 30 minuhta semináraovdanbuktin, mas 10 minuhta geavahuvvojit kommeanntaide ja ságastallamii. Guktuin seminárain studeanta galgá kommenteret unnimustá ovttá mielstudeantta barggu.

Fágaoahpaheaddji árvvoštallá bargguit dohkkehuvvon / ii dohkkehuvvon. Dat galget leat dohkkehuvvon ovdal eksámena.

10. EKSÁMEN

Eksámen lea 2-vahkkosaš čálalaš ruovttueksámen. Studeanta čállá 10-12 siidosaš eksámena mii guoskkaha dieđateorehtalaš gažaldagaid fáttás mii lea čadnon studeanta iežas masterčállosii dahje eará sullasaš dieđalaš bargui.

Árvvoštallan: Árvosátni A–F.

11. PRIVATISTTAID VEJOLAŠVUOHTA VÁLDIT GURSSA

Privatisttat eai sáhte váldit dán gurssa, dasgo oahppan gáibida dan, ahte studeanta searvá oahpahussii. Geahča muđui U/A lága § 3-8 (2).

12. KVALITEHTASIIKKARASTIN

Čujuhuvvo Sámi allaskuvlla kvalitehtasihkkarastinvuogádahkii, ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeanttat árvvoštallet oahpu evaluerenčoahkkimis ja sii devdet árvvoštallanskovi oahpu loahpahettiin. Ásahus árvvoštallá oahpu studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmearrái gullá oktasaš oassi ja spesialiserenoassi. Studeanta vällje spesialeserenoasi lohkanmeari (sullii 200 s.) ovttas fágaoahpaheaddjiin.

Oktasaš oassi:

jogo: Kaiser, Mattias (2000): *Hva er vitenskap?* Oslo: Universitetsforlaget. (226 s.)

dahje: Raatikainen, Panu (2004): *Ihmistieteet ja filosofia.* Helsinki: Gaudeamus. (173 s.)